



**Komisija za provođenje postupaka po javnim
pozivima za dodjelu sredstava za
sufinansiranje mjera smanjenja aerozagađenja
na području grada Tuzla**

Broj: 02/04-A-3448-118-1-2020
Tuzla, 09.06.2021. godine

Komisija za provođenje postupaka po javnim pozivima za dodjelu sredstava za sufinansiranje mjera smanjenja aerozagađenja na području grada Tuzle (u daljem tekstu: Komisija), imenovana Rješenjem Gradonačelnika Grada Tuzle, broj: 02/04-A-3448-2020 od 06.03.2020. godine, nakon provođenja postupka u skladu sa Odlukom o uslovima, kriterijima i postupku dodjele sredstava za sufinansiranje mjera smanjenja aerozagađenja na području grada Tuzle („Službeni glasnik Grada Tuzla“, broj: 2/20 i 6/20), objavljuje:

DOPUNA PRELIMINARNE RANG LISTE

**PODNOŠILACA PRIJAVA PO JAVNOM POZIVU OBJAVLJENOM DANA 04.02.2021.
GODINE ZA DODJELU SREDSTAVA ZA SUFINANSIRANJE MJERE SMANJENJA
AEROZAGAĐENJA „UTOPLJAVANJE“ OBJEKATA RADI SMANJENJA TOPLINSKIH
GUBITAKA, ODNOSNO NABAVKA I UGRADNJA MATERIJALA ZA IZOLACIJU
VANJSKIH ZIDOVA I TAVANICE OBJEKATA, KAO I NABAVKA I UGRADNJA
VANJSKE STOLARIJE ILI MJERE SMANJENJA AEROZAGAĐENJA NABAVKA I
UGRADNJA TOPLOTNE PUMPE**

Opće uslove za dodjelu sredstava za sufinansiranje mjere smanjenja aerozagađenja „utopljavanje“ objekata radi smanjenja toplinskih gubitaka, odnosno nabavka i ugradnja materijala za izolaciju vanjskih zidova i tavanice objekata, kao i nabavka i ugradnja vanjske stolarije ili mjere smanjenja aerozagađenja nabavka i ugradnja toplotne pumpe, ispunjava sljedeći podnosilac prijave:

1. Kišić Sandra¹, Omladinska 4 – Mramor, Tuzla.

NAPOMENA: Gore navedeni podnosilac prijave koji ispunjava opće uslove za dodjelu sredstava za sufinansiranje mjera smanjenja aerozagađenja na području grada Tuzle (mjera “utopljavanje” objekata radi smanjenja toplinskih gubitaka, odnosno nabavka i ugradnja materijala za izolaciju vanjskih zidova i tavanice objekata, kao i nabavka i ugradnja vanjske stolarije i/ili mjera nabavka i ugradnja toplotne pumpe), **dužan je dostaviti Službi za komunalne poslove, izgradnju i poslove mjesnih zajednica putem pisarnice Grada Tuzla, u roku do 45 dana od dana posljednje objave Dopune preliminarne rang liste, energijski pregled koji uključuje predmjer i predračun radova koji su predmet predloženih mjera.**

Energijski pregled mogu vršiti isključivo ovlaštena lica u skladu sa Zakonom o energijskoj efikasnosti u Federaciji Bosne i Hercegovine ("Službene novine Federacije BiH", broj: 22/17), sa liste ovlaštenih lica koja se može preuzeti putem linka: <http://www.ee-infos.ba/registri/> ili putem Federalnog ministarstva prostornog uređenja FBiH, putem telefona +387 33 726 516.

Ukoliko se prilikom energijskog pregleda utvrdi da objekat ima vrijednost utroška toplotne energije jednaku ili manju od 100 kWh/m² godišnje, energijski pregled mora sadržavati predmjer i predračun radova neophodnih za ugradnju toplotne pumpe i prateće opreme, uključujući i specifikaciju sa tehničkim karakteristikama adekvatne toplotne pumpe i prateće opreme.

Ukoliko se prilikom energijskog pregleda utvrdi da objekat ima vrijednost utroška toplotne energije veću od 100 kWh/m² godišnje, energijski pregled mora sadržavati predmjer i predračun radova neophodnih za utopljanje objekta, a kako bi objekat po utopljanju imao vrijednost utroška toplotne energije jednaku ili manju od 100 kWh/m² godišnje, kao i predmjer i predračun radova neophodnih u cilju nabavke i ugradnje toplotne pumpe, i podatke o kapacitetu i drugim relevantnim tehničkim karakteristikama toplotne pumpe.

Smatra se da je podnosilac prijave koji u roku do 45 (četrdesetpet) dana od dana posljednje objave preliminarne liste ne dostavi dokaz o energijskom pregledu objekta koji je predmet prijave na javni poziv, odustao od prijave na javni poziv i sa istim se neće zaključivati ugovor o sufinansiranju.

Realizaciji mjera predviđenih energijskim pregledom podnosilac prijave koji ispunjava opće uslove može pristupiti tek po dobijanju prethodne saglasnosti na energijski pregled od strane Komisije za pregled implementiranih mjera formirane posebnim rješenjem gradonačelnika.

Komisija:

1. Ivana Hrustić, predsjednik _____

¹ Obzirom da je naknadno utvrđeno da se aplikant Kišić Sandra iz Tuzle prilikom izjašnjavanja povodom prijave na Javni poziv za sufinansiranje mjera smanjenja aerozagađenja na području grada Tuzla u 2021 godini nije izjasnila za sufinansiranje mjere smanjenja aerozagađenja koja se odnosi na nabavku i ugradnju kotlova sa isključivim pogonom na drvenu biomasu – peći na pelet već za mjeru smanjenja aerozagađenja koja podrazumijeva „utopljanje“ objekta, te da je aplikant Kišić Sandra greškom uvrštena na Konačnu rang listu podnosilaca prijava za dodjelu sredstava za sufinansiranje mjere smanjenja aerozagađenja „nabavka i ugradnja kotlova sa isključivim pogonom na drvenu biomasu – peći na pelet“ broj: 02/04-A-3448-117-2020 od 07.05.2021. godine, ukazala se potreba za dopunom Preliminarne rang liste podnosilaca prijava za dodjelu sredstava za sufinansiranje mjere smanjenja aerozagađenja „utopljanje“ objekata radi smanjenja toplinskih gubitaka, odnosno nabavka i ugradnja materijala za izolaciju vanjskih zidova i tavanice objekata kao i nabavka i ugradnja vanjske stolarije ili mjere smanjenja aerozagađenja nabavka i ugradnja toplotne pumpe broj: 02/04-A-3448-118-2020 od 07.05.2021. godine, na način da se aplikant briše sa Konačne rang liste podnosilaca prijava za dodjelu sredstava za sufinansiranje mjere smanjenja aerozagađenja „nabavka i ugradnja kotlova sa isključivim pogonom na drvenu biomasu – peći na pelet“ i svrstava na Preliminarnu rang listu podnosilaca prijava za dodjelu sredstava za sufinansiranje mjere smanjenja aerozagađenja „utopljanje“ objekata radi smanjenja toplinskih gubitaka, odnosno nabavka i ugradnja materijala za izolaciju vanjskih zidova i tavanice objekata kao i nabavka i ugradnja vanjske stolarije ili mjere smanjenja aerozagađenja nabavka i ugradnja toplotne pumpe.